

唐宋八家鈔卷八目錄

商論

六國論

唐論

臣事策一

民政策一

上樞密韓太尉書

黃州快哉亭記

計文七篇

南豐文

移滄州過闕上殿疏

寄歐陽舍人書

書魏鄭公傳

列女傳目錄序

戰國策目錄序

禮閣新儀目錄序

贈黎安二生序

宜黃縣學記

撫州顏魯公祠堂記

越州趙公救災記

思政堂記

墨池記

計文十二篇

臨川文

周公論

禮論

原過

讀孔子世家

讀孟嘗君傳

傷仲永

上田正言書

答韶州張殿臣書

與趙高書

度支副使廳壁題名記

遊褒禪山記

芝閣記

給事中孔公墓誌銘

海陵縣主簿許君墓誌銘

祭范潁州文

祭歐陽文忠公文

計文十六篇

宋蘓頴濱六

公明允次子也。名轍。字子由。晚年居許州。號頴濱遺老。蘓氏本趙郡樂城人。公文名樂城集。以此也。年十九。與兄軾同登進士科。又同制策舉。仁宗春秋高。慮或倦於勤。因極言得失。而於禁廷事尤為切至。考官胡宿以為不遜。請黜之。仁宗曰。以直言召人。而以直言棄之。天下其謂我何。宰相不得已。置之下等。授商州軍事推官。又為大名推官。後丁父憂。服除。神宗立。已二年。公上書言事。召延和殿時。王安石欲行青苗法。公曰。以錢貸民。使出息二分。本以救民。非為利也。然出納之際。吏緣為姦。雖有法。不能禁錢入民手。雖

良民不免妄用。及其納錢。雖富民不免踰限。如此則恐鞭箠必用。州縣之事不勝煩矣。唐劉晏掌國計。未嘗有所假貸。有尤之者。晏曰。使民僥倖得錢。非國之福。使吏倚法督責。非民之便。吾雖未嘗假貸。而四方豐凶貴賤。知之未嘗逾時。有賤必糶。有貴必糴。以此四方無甚貴甚賤之病。安用貸為。晏之所言。則常平法耳。今此法見在。而患不修。公誠能有意於民。舉而行之。則晏之功可立俟也。安石曰。君言誠有理。當徐思之。自此逾月。不言青苗。東轉運使王廣淵言。春農事興。而民苦乏。兼并之家。得以乘。

本道錢帛五十萬貸之貧民。歲可獲息二十五萬。與安石意合於。

是青苗法始行。遣使之四方求遺利。公以書力陳其不可。忤安石意。出為河南推官。後坐兄軾以詩得罪。謫監筠州鹽酒稅。五年不得調。移知瀆溪縣。哲宗立。洊擢為右司諫。遷起居郎。中書舍人。進戶部侍郎。後權吏部尚書。六年。拜尚書右丞。進門下侍郎。紹聖元年。諫李清臣發策題。哲宗以為引漢武帝方先朝。欲被以罪。賴范純仁力諫。落職。知汝州。徽宗即位。蔡京當國。致仕。築室於許。卒。即賴上也。時年七十四。公為人沉靜簡潔。而立朝卓有風裁。觀於仁宗。規及禁廷。神宗力詆安石。及哲宗時。論去章惇。呂惠卿。疏調停黨議。非是。奏止。李清臣。蒲宗孟。皆侃侃不阿。與乃兄東坡公皆可。

謂持正之君子也。其文汪洋渟蓄。如其為人。然冲淡紆宕。不善學之。每易散緩。鈔中不多及。以此淳熙中。趙雄謚議云。轍起草。綆亮震天下。晚踐臺省。遂躋政塗。長才謹論。始終太節。公論可考。宜謚文定。洵非溢美哉。

宋史論曰。蘇轍論事精確。修辭簡明。未必劣於其兄。王安石初議青苗。轍數語托之安石。自此不復及。此後非王廣淵傳會。則此議息矣。轍寡言鮮欲。素有以得安石之敬心。故能爾也。若是者。軾宜若不及。然至論軾英邁之氣。閱肆之文。轍為軾弟。可謂難矣。元祐秉政。力斥章蔡。不主調停。及議回河。雇役。與文彥博。司馬光異同。

西邊之謀。又與呂大防劉摯不合。君子不黨於轍。見之轍與兄進
退出處無不相同。患難之中。友愛彌篤。無少怨尤。近古罕見。獨其
齒爵皆優於兄。意者造物之所賦與。亦有乘除於其間哉。

宋曾南豐七

公名鞏字子固建昌南豐人

今江西建昌府屬邑

生而警敏讀書數百言脫

口成誦年十二試作六論援筆而成辭甚偉甫冠名聞四方歐陽
修見其文奇之中嘉祐二年進士第調太平州法司叅軍召編校
史館書籍遷館閣校勘集賢校理為實錄檢討官出通判越州後
知齊襄洪福明毫滄凡七州所至之處治績卓然公負才名以外
徙世頗謂偃蹇不偶一時後生輩鋒出視之公泊如也過關神宗
召見勞問甚寵遂留判三班院嗣命充史館修撰旋拜中書舍人
時自三省百職事選授一新除書日至十數人人舉其職於辭訓

典約而盡甫數月丁母艱去又數月而卒時年六十五公性孝友父亡奉繼母益至撫四弟九妹於委廢單弱之中官學婚嫁一出其力為文章上下馳騁本原六經愈出愈工與一時歐王蘇氏並峙而卓然自成一家朱子最愛之以其經術湛深氣體醇雅也呂公著嘗言於神宗曰鞏為人行義不如政事政事不如文章以是不大用惜哉

宋王臨川八

臨川名安石。字介甫。曾封於荆。又稱荆公。撫州臨川人也。

今江西撫州府

首邑少好讀書。一過目終身不忘。其屬文動筆如飛。初若不經意見者。皆服其精妙。友生曾鞏携以示歐陽修。修為之延譽。擢進士上第。簽書淮南判官。舊制秩滿許獻文求試館職。安石獨否。調知鄞縣。嗣通判舒州。文彥博薦之。召試館職。不就。歐陽修薦為諫官。以祖母年高辭。終英宗之世。被召不起。宛若恬退君子也。安石與韓絳、韓維、呂公著善。三人更相稱揚。神宗在潁邸。聞其名。時韓維為神宗記室。每講說見稱。輒曰。此非維之說。維之友王安石之說也。

維遷庶子。又薦安石。自代神宗。由是想見其人。甫即位。命知江寧。

府。數月。召為翰林學士。

熙寧神宗年號

元年。召安石入朝。令越次入對。

以堯舜望其君。而以臯夔稷契自任。援引古義。居然古大臣風焉。

二年。叅知政事。以變風俗。立法度為急。於是制三司條例。凡農田。

水利。青苗。均輸。保甲。免役。市易。保馬。方田。諸役。並繼號為新法。遣。

提舉四十餘輩。頒行天下。由是士夫沸騰。黎民騷動矣。時附和之。

者。呂惠卿。韓絳。輩時號絳為傳法沙門。惠卿為護法善神。此外呂。

公著。韓維。常稱譽安石者。歐陽修。文彥博。常薦安石者。富弼。韓琦。

常用安石為侍從者。司馬光。范鎮。與安石交友之至善者。悉排斥。

不遺力。蘓軾上書鄭俠進圖。

流民圖也

而安石性僻行堅。動引經義以

自文。執拗不回。且是時華山崩。慧星見。天旱久。神宗欲罷新法。而

安石反引堯湯水旱事為言。以為不足動聖慮。噫。史所謂以天變

不足畏。祖宗不足法。人言不足恤。呂誨謂誤天下蒼生。必是人也。

豈不信哉。熙寧四年更定科舉法。罷詩賦。專以經義論策試士。制

頗善矣。然以已所訓釋詩書周禮頒之學官。天下號曰新義。使主

司。以此取士。凡先儒傳註一切廢不用。黜春秋之書。不使列於學

官。至目為斷爛朝報。嗚呼。何其悖也。晚居金陵。作字說。穿鑿附會。

其流入於佛老。而其壻蔡卞稱其包括萬象。與易相表裏。阿私所

好。一。至。此。與。卒。時。年。六。十。八。謚。曰。文。又。追。封。王。配。享。神。宗。廟。又。配。食。至。聖。廟。列。於。顏。孟。之。次。欽。宗。時。楊。時。高。宗。時。趙。鼎。呂。聰。問。上。言。一。切。罷。之。而。朱。子。修。綱。目。於。卒。也。去。其。官。後。世。公。論。三。代。直。道。不。可。泯。滅。善。哉。朱。子。之。論。也。曰。安。石。以。文。章。節。行。高。一。世。而。尤。以。道。德。經。濟。為。已。任。被。遇。神。宗。致。位。宰。相。世。方。仰。其。有。為。庶。幾。復。見。二。帝。三。王。之。盛。而。安。石。乃。汲。汲。以。財。利。兵。革。為。先。務。引。用。凶。邪。排。擯。忠。直。躁。迫。彊。戾。使。天。下。之。人。囂。然。喪。其。樂。生。之。心。卒。之。羣。姦。嗣。虐。流。毒。四。海。至。於。崇。宣。之。際。而。禍。亂。極。矣。又。曰。學。以。知。道。為。本。知。道。則。學。純。心。正。見。於。行。事。發。於。言。語。亦。無。往。不。得。其。正。如。安。石。者。其。

始學也。蓋欲陵跨揚韓掩跡顏孟。初亦豈遽有邪心哉。特以不能知道。故其學不純。而設心造事。遂流入於邪。又自以為是。而大為穿鑿附會。以文之。此其所以重得罪於聖人之門也。然其文議論沉鷲。筆力峭折。前人列於八家中。亦不以人廢言之義也夫。

皆段起案通篇
以周陪說

次段先論周作
視一柔一強相
形益見

商論

主

歷年少。

客

歷年多。

中興

易。

中興難

商之有天下者三十世而周之世三十有七商之既衰而復興者
五王而周之既衰而復興者宣王一人而已夫商之多賢君宜若
其世之過於周周之賢君不如商之多而其久於商者乃數百歲
其故何也蓋周公之治天下務以文章繁縟之禮和柔馴擾剛疆
之民故其道本於尊尊而親親貴老而慈幼使民之父子相愛兄
弟相悅以無犯上難制之氣行其至柔之道以操天下之戾心而
去其剛毅果敢之志故其享天下至久而諸侯內侵京師不振卒
於廢為至弱之國何者優柔和易可以為久而不可以為強也若

起、下、

從開國說起

應、歷、年、多、

應、中、興、難、

三段入商本論
從詩書中引出
佐証讀書得間
善談名理

四段將文上作
一總收約束堅
明

末段推開說前
從開國之治起
論此歸責後世
之賢否識議絕

夫商人之所以為天下者不可復見矣。常試求之詩書詩之寬緩
而和柔書之委曲而繁重者舉皆周也。而商人之詩駿發而嚴厲
其書簡潔而明肅以為商人之風俗蓋在乎此矣。夫惟天下有剛
強不屈之俗也。故其後世有以自振於衰微然其至敗也一散而
不可復止。蓋物之強者易以折而柔順者可以久存。柔者可以久
存而常困於不勝強者易以折而其末也乃可以有所立。此商之
所以不長而周之所以不振也。嗚呼聖人之慮天下亦有所就而
已不能使之無弊也。使之能久而不能強能以自振而不能以及
遠此二者存乎其後世之賢與不賢矣。太公封於齊尊賢而尚功
○便○覺○有○無○數○折○疊
○年○少○
○強○不○屈○之○俗○也
○存○而○常○困○於○不○勝○強○者○易○以○折○而○其○末○也
○所以○不○長○而○周○之○所○以○不○振○也
○已○不○能○使○之○無○弊○也
○遠○此○二○者○存○乎○其○後○世○之○賢○與○不○賢○矣
○太○公○封○於○齊○尊○賢○而○尚○功
○補○入○此○義○極○圓○足
○又○添○出○齊○魯○作○配○文○章
○如○此○之○讀○書○六○經○皆○我○注○脚
○應○中○興○易
○應○歷
○分○作○兩○層
○名○通○之○論
○商